

41
1
30

話字板史記

世家

世 世
六 三



魯周公世家第三

史記三十三

周公旦者周武王弟也

譙周曰以太王所居周地為其采邑故謂

周公○索隱曰地名在岐山之陽本太王所居後以為周公之采邑故曰周公即今之扶

風雍東北故周城也自文王在時旦為子孝

篤仁異於羣子

索隱曰鄒誕生本孝作敬

及武王即位旦

常輔翼武王用事居多武王九年東伐至盟

津周公輔行十一年伐紂至牧野周公佐武

王作牧誓破殷入商宮已殺紂周公把大鉞

召公把小鉞以夾武王，釁社，告紂之罪于天。及殷民，釋箕子之囚，封紂子武庚祿父，使管叔、蔡叔傅之，以續殷祀。徧封功臣同姓戚者，封周公旦於少昊之虛曲阜。正義曰：括地志云：兗州曲阜縣，外城即魯公伯禽所築也。是為魯公。周公不就封，留佐武王。武王克殷二年，天下未集，武王有疾，不豫，群臣懼。太公、召公乃縶徐廣曰：古書魯字多作縶。周公曰：「未可以戚我先王。」孔安國曰：戚，近也。未可，死近先王也。鄭玄曰：

二公欲就太王廟卜戚憂也。未可，憂怖我先王也。周公於是乃自以

為質，設三壇，周公北面立，戴璧秉圭。孔安國曰：璧以

禮神圭以為贄。告于大王、王季、文王。孔安國曰：史策

祝。孔安國曰：史為策書祝詞也。鄭玄曰：策，周公所作，謂簡書也。祝者，讀此簡書以告三

王曰：「惟爾元孫王發，勤勞阻疾。」徐廣曰：阻，一作淹。若

爾三王是有負子之責於天，以旦代王發之

身。孔安國曰：太子之責，謂疾不可救也。不可，救于天，則當以且代之。死生有命，不可請

代聖人。叔臣子之心，以垂世教。○索隱曰：尚書負為丕，今此為負者，謂三王負上天之責。

故我當代之鄭旦巧能多材多藝能事鬼神

玄曰丕讀曰負乃王發不如且多材多藝不

能事鬼神乃命于帝庭敷佑四方馬融曰武王受命于

天帝之庭布其用能定汝子孫于下地四方

之民罔不敬畏孔安國曰言武王用受命帝庭之故能定先人子孫於天

下四方之民無墜天之降葆命我先王亦永

有所依歸孔安國曰言不殺則墜天寶命也

曰降下也寶猶主也有所今我其即命於元

龜孔安國曰就受三王之命於元龜爾之許

我我以其璧與圭歸以俟爾命孔安國曰許謂疾瘳待命

當以事神也馬融曰待汝爾不許我我乃屏

璧與圭孔安國曰不許不愈也周公已令史

策告大王王季文王欲代武王發於是乃即

三王而卜卜人皆曰吉發書視之信吉孔安國曰

占兆書也王肅曰齋藏周公喜開籥乃見書遇吉占兆書管也

周公入賀武王曰王其無害旦新受命三王

維長終是圖

孔安國曰我新受三王命茲道

能念予一人

也馬融曰一人天子

也鄭玄曰茲此也周公藏其策

金縢匱中

孔安國曰藏之於匱織之以金不欲人開

誠守者勿敢

言明日武王有瘳其後武王既崩成王少在

強葆之中

索隱曰強葆即襁褓古字小假借用約小兒於背而負行葆小兒被也

周公恐天下聞武王崩而

畔周公乃踐阼代成王攝行政當國管叔及

其羣弟流言於國曰周公將不利於成王

孔安

國曰放言於國以誣周公惑成王也周公乃告太公望召公奭

曰我之所以弗辟

正義曰音避

而攝行政者恐天

下畔周無以告我先王大王王季文王三王

之憂勞天下久矣於今而后成武王蚤終成

王少將以成周我所以為之若此於是宰相

成王而使其子伯禽代就封於魯周公戒伯

禽曰我文王之子武王之弟成王之叔父我

於天下亦不賤矣然我一沐三捉髮一飯三

吐哺起以待士猶恐失天下之賢人子之魯
慎無以國驕入管蔡武庚等果率淮夷而反
周公乃奉成王命與師東伐作大誥遂誅管
叔殺武庚放蔡叔收馭餘民以封康叔於衛
封微子於宋以奉殷祀寧淮夷東土二年而
畢定諸侯咸服宗周天降祉福唐叔得禾異
母同穎徐廣曰一作穗穎即穗也○索隱曰尚書作畝此為毋義亦並通獻
之成王成王命唐叔以餽周公於東土作餽

禾周公既受命禾嘉天子命

徐廣曰嘉一作魯今書序作旅

○索隱曰魯字誤史意云周公嘉天子命於文不必作魯

作嘉禾東土以

集周公歸報成王乃為詩貽王命之曰鴉鵒

毛詩序曰成王未知周公之志公乃為詩王以遺王名之曰鴉鵒毛傳曰鴉鵒鸛鵒也

亦未敢訓周公

徐廣曰訓一作誚○索隱曰尚書作誚誚讓也此作訓字

誤耳義無所通徐氏合定其本何須云一作誚也

成王七年二月乙

未王朝步自周至豐

馬融曰周鎬京也豐文王廟所在廟者舉事上

朝將即土中易都大事故告文王武王廟鄭玄曰步行也堂下謂之步豐鎬異邑而言步

者告武王廟即行出廟入廟不以爲遠爲父恭也○索隱曰豐文王所作邑後武王都鎬

於豐立文王廟按豐在鄠縣東臨豐水東去鎬二十五里使太保召公先

之維相王鄭玄曰相視也其三月周公往營成周維

邑公羊傳曰成周者何東周也何休曰卜居名爲成周者周道始成王所都也

焉曰吉遂國之成王長能聽政於是周公乃

還政於成王成王臨朝周公之代成王治南

面倍依以朝諸侯禮記曰周公朝諸侯于明堂之位天子負斧依南面

而立鄭玄曰周公攝王位以明堂之禮儀朝諸侯也不於宗廟避王也天子周公也負之

言倍也斧依爲斧文屏風及七年後還政成

王北面就臣位綢綢如畏然徐廣曰綢綢謹敬貌見三蒼音

第窮一本初成王少時病周公乃自揃其蚤

沈之河以祝於神曰王少未有識奸神命者

乃旦也亦藏其策於府成王病有瘳及成王

用事人或譖周公周公奔楚索隱曰經典無文其事或別有

所出而難用云秦既燔書時人欲言金滕之事或失其本末乃云成王少時病周公禱河

欲代王死藏祝策於府成王用事人譏周公周公奔楚成王發府見策乃迎周公又與蒙

恪傳同事 成王發府見周公禱書乃泣反周

公周公歸恐成王壯治有所淫佚乃作多士

作母逸母逸稱為人父母為業至長久子孫

驕奢忘之以亡其家為人子可不慎乎故昔

在啟王中宗嚴恭敬畏天命自度孔安國曰用法度也

治民震懼不敢荒寧馬融曰知民之勞故中

宗饗國七十五年其在高宗久勞于外為與

人孔安國曰父小乙使之久居人間勞是稼穡與小人出入同事也馬融曰武丁

師

為太子時其父小乙使行役有所勞役於外

與小人從事知小人艱難勞苦也鄭玄曰為

父小乙將作其即位乃有亮闇三年不言孔

所役於外安國曰武丁起其即王位則小乙死乃有信嘿

三年不言言孝行著也鄭玄曰謂之梁闇

謂廬言乃謹鄭玄曰謹喜悅也言乃喜不敢

也謂廬言乃謹悅則臣民望其言久矣

荒寧密靖啟國馬融曰至于小大無怨孔安

無

小大之政民無怨者言非也故高宗饗國五十五年尚書

十九其在祖甲孔安國曰王肅云祖甲湯孫

武丁子帝甲也索隱曰按紀年太甲唯得

帝甲不義惟王久為小人孔安國曰為王不義久為小人之行

伊伊放之桐宮馬融曰祖甲有兄祖庚而祖甲賢武丁欲立之祖甲以王慶長立少不義

逃亡民間故曰不義惟王久為小人于外知

小人之依能保施小民不侮鰥寡孔安國曰小人之所

依依仁政也故能安順於衆民不敢侮慢惇獨也故祖甲饗國三十

三年王肅曰先中宗後祖甲先盛德後有過也多士稱曰自湯至

于帝乙無不率祀明德帝無不配天者孔安國曰

無敢失天道者在今後嗣王紂誕淫厥佚不

顧天及民之從也徐廣曰一作敬之也駟案馬融曰紂大淫樂其逸無

所能顧念於天施顯道於民而敬之其民皆可誅周多士文王

日中昃不暇食饗國五十年作此以誠成王

成王在豐天下已安周之官政未次序於是

周公作周官官別其宜作立政孔安國曰周公既致政成

王恐其怠忽故也以便百姓百姓說周公在

豐病將沒曰必葬我成周徐廣曰衛世家云管叔欲襲成周然

則或說尚書者不以成周為洛陽乎諸侯以年表敘曰齊晉楚秦其在成周微之甚也

明吾不敢離成王周公既卒成王亦讓葬周

公於畢正義曰括地志云周公墓在咸陽地畢原上從文王以明

予小子不敢臣周公也周公卒後秋未獲暴

風雷雨禾盡偃大木盡拔周國大恐成王與

大夫朝服以開金縢書索隱曰尚書武王崩後有此風雷之異今

此言周公卒後更有暴風之變始開金縢之書此不然也蓋由史遷不見古文尚書故謬

耳王乃得周公所自以為功代武王之說徐廣

曰一作簡明案孔安國二公及王乃問史百

執事孔安國曰二公偕王啓之故先見書也史百執事皆從周公請命者鄭玄曰問

者問審然否也史百執事曰信有昔周公命我勿敢

言成王執書以泣鄭玄曰泣者傷周公忠孝如是而無知之者曰

自今後其無繆卜乎孔安國曰本欲敬卜吉凶今天意可知故止

昔周公勤勞王家惟予幼人弗及知今天動

威以彰周公之德惟朕小子其迎我國家禮

亦宜之王肅曰亦宜褒有德也○正義曰孔安國云周公以成王未寤故留東未

還成王改適自新遣使者延之亦國家禮有德之宜也王孔二說非也按言成王以開金

勝之書如天風雷以彰周公之德故成王亦
設郊天之禮以迎我國家先祖配食之禮亦
當宜之故成王出王出郊六乃上雨反風示盡
起孔安國曰郊以玉幣謝天也天即反風起
二公命國人凡大木所偃盡起而築之徐廣曰築
拾也案馬融曰禾為木所偃歲則大熟於
是成王乃命魯得郊禮記曰魯君祀帝于郊
祭文王禮記曰諸侯不得祖天子鄭玄曰魯
魯有天子禮樂者以褒周公之德也周公卒

子伯禽固已前受封是為魯公

索隱曰周公元子就封於

魯次子留相王室代為周公其餘魯公伯禽

食小國者六人凡蔣邢茅胙祭也

魯公伯禽

之初受封之魯三年而後報政周公周公曰

何遲也伯禽曰變其俗革其禮喪三年然後

除之故遲太公亦封於齊五月而報政周公

周公曰何疾也曰吾簡其君臣禮從其俗為

也及後聞伯禽報政遲乃嘆曰嗚呼魯後世

其北面事齊矣夫政不簡不易民不有近平

易近民民必歸之

徐廣曰一本云政不簡不行不樂不樂則不平

易平易近民民必歸之又一本云夫民不簡不易有近平簡易民亦歸之○索隱曰言為

政簡易者民必附伯禽即位之後有管蔡等

反也淮夷徐戎亦並興反孔安國曰淮浦之戎徐州之戎並起

為於是伯禽率師伐之於朐作朐誓徐廣曰一作鮮

一作獮案尚書作桀孔安國曰魯東郊地名○索隱曰尚書作桀誓今尚書大傳曰作

鮮誓鮮誓即朐誓古今字異義亦變也鮮獮也言於朐地誓衆因行獮田之禮以取鮮獸

而祭故字或作鮮或作獮桀地名曰陳爾甲冑

無敢不善無敢傷牲

正義曰古毒反牲牛馬牢也令臣無傷其牢恐

牛馬逸馬牛其風臣妾逋逃鄭玄曰風走逸臣妾廝役之屬勿

敢越逐敬復之

徐廣曰敬一作振孔安國曰勿敢弃也壘伍而求逐也衆

人有得佚馬牛無敢寇攘踰牆垣鄭玄曰寇劫取也因

其失亡魯人三郊三隧王肅曰邑外曰郊外曰隧不言四者東

郊留守故時爾芻茭稂糧楨幹孔安國曰皆當儲時汝糧

使足食多積芻茭供軍牛馬○正義曰楨去九反

楨言無敢不逮我甲戌築而征徐戎孔安國曰甲戌

日當等攻敵馬融曰大作壘距堙之屬無敢不及有大刑刑死刑

此盼誓遂平徐戎定魯魯公伯禽率徐廣曰皇甫謚

云伯禽以成王元年封四索隱曰子考公首立索隱曰

本作就鄭考公四年卒立弟熙是謂煬公索隱曰

本作適曰熙一作煬公禁茅徐廣曰一作夷闕門世本日

魯宋忠曰六年卒子幽公寧立索隱曰世幽今魯國

公十四年幽公弟潰殺幽公而自立是為魏

公徐廣曰世本作微公○索隱曰系本潰作弗音沸魏作微且古書多用魏字作微則

太史公意魏公五十年卒子厲公擢立索隱曰系

本作翟音厲公三十七年卒魯人立其弟具

是為獻公獻公三十二年卒徐廣曰劉歆云

云三十子真公湣立索隱曰真音慎本亦作

六年通也按湣系本作擊或作曠真公十四年周

厲王無道出奔音共和行政二十九年周

宣王即位三十年真公卒弟敖立是為武公

武公九年春武公與長子括少子戲西朝周

宣王宣王愛戲欲立戲為魯太子周之樊仲
山父諫宣王曰廢長立少不順不順必犯王
命犯王命必誅之故出令不可不順也令之
不行政之不立韋昭曰令不行而政不立行而不順民將
奔上韋昭曰使長事少故民將奔上夫下事上少事長所以
為順今天子建諸侯立其少是教民迎也唐固
日言不教之若魯從之諸侯效之王命將有
所壅韋昭曰言先王立長之命弗壅塞不行若弗從而誅之是

自誅王命也韋昭曰先王之命立長今魯誅亦立長若誅之是自誅王命
之亦失不誅亦失韋昭曰誅之誅王王其圖
之宣王弗聽卒立戲為魯太子夏武公歸而
卒徐廣曰劉歆云立二年戲立是為懿公懿公九年懿
公兄括之子伯御正義曰伯我嫁反與魯人攻弑懿
公而立伯御為君伯御即位十一年周宣王
伐魯殺其君伯御而問魯公子能道順徐廣曰一作訓
道音導順音訓諸侯者以為魯後樊穆仲曰

韋昭曰魯仲仲山父之謚也魯懿公弟稱正義

日尺肅恭明神敬事耆老賊事行刑必問於

遺訓而咨於固實徐廣曰固一作故韋昭曰故實故事之是者不

干所問不犯所知宣王曰然能訓治其民矣

乃立稱於夷宮韋昭曰夷宮者宣王祖父夷王之廟古者爵命必於祖廟

是為孝公自是後諸侯多畔王命孝公二十

五年諸侯畔周犬戎殺幽王秦始列為諸侯

二十七年孝公卒子弗湟立徐廣曰表云弗生也○索隱曰

系本作弗皇年表作孝公子弗生是為惠公惠公三十年晉

人弑其君昭侯四十五年晉人又弑其君孝

侯四十六年惠公卒長庶子息攝當國行君

事是為隱公索隱曰隱公名息系本名息姑初惠公適夫人

無子公賤妾聲子生子息息長為娶於宋宋

女至而好惠公奪而自妻之索隱曰左傳宋武公生仲子手

中有魯夫人文故歸魯生桓公今此云惠公奪息婦而自妻又經傳不言惠公無道左氏

云亦分明不知太史公何據而為此說為周亦深不信生子允徐廣曰一作軌

○索隱曰一登宋女為夫人以允為太子及

惠公卒為允少故魯人共令息攝政不言即

位隱公五年觀漁於棠賈逵曰棠魯地陳漁而觀之杜預曰高平

方與縣北有武棠八年與鄭易天子之太山

之邑枋及許田殺梁傳曰枋者鄭伯之所受命於天

子而祭太山之邑許田乃魯之朝宿之邑天子在上諸侯不得以地相與十一年

冬公子揮諂謂隱公曰百姓便君君其遂立

吾請為君殺子允君以我為相左傳曰羽父請殺相公將

以求隱公曰有先君命吾為允少故攝代今

允長矣吾方營菟裘之地而老焉服虔曰菟裘魯邑也

營菟裘以作宮室欲居之以終老也杜預曰菟裘在泰山梁父縣南以授子允

政揮懼子允聞而反誅之乃反譖隱公於子

允曰隱公欲遂立去子子其圖之請為子殺

隱公子允許諾十一月隱公祭鐘巫賈逵曰鍾巫祭

名齊于社園杜預曰社園名館于為氏服虔曰館舍也為氏

魯大揮使入弑隱公于為氏而立子允為君

是為桓公桓公元年鄭以璧易天子之許田

康信曰鄭以初不足當許田故復加璧二年以宋之賂鼎入於

太廟君子譏之穀梁傳曰桓公內殺其君外成人之亂受賂而退以事其

祖非禮也公羊傳曰周公廟曰太廟三年使揮迎婦于齊為夫

人六年夫人生子與桓公同日故名曰同同

長為太子十六年會于曹伐鄭入厲公十八

年春公將有行杜預曰始議行事遂與夫人如齊申

繻諫止賈逵曰申繻魯大夫公不聽遂如齊齊襄公通

桓公夫人公怒夫人夫人以告齊侯夏四月

丙子齊襄公饗公服虔曰為公設事讌之禮公醉使公子

彭生抱魯桓公因命彭生摺其脅公死于車

魯人告于齊曰寡君畏君之威不敢寧居來

脩好禮禮成而不反無所歸各請得彭生以

除醜於諸侯齊人殺彭生以說魯立太子同

是為莊公莊公母夫人因留齊不敢歸魯莊

公五年冬伐衛內衛惠公八年齊公子糾來

奔九年魯欲內子糾於齊後桓公桓公發兵
 擊魯魯急殺子糾名忽死齊告魯生致管仲
 魯人施伯曰正義曰世本云施伯魯惠公孫齊欲得管仲求
 殺之也將用之用之則為魯患不如殺以其
 屍與之索隱曰死字莊公不聽遂囚管仲與齊
 齊人相管仲十三年魯莊公與曹沫會齊桓
 公於柯曹沫劫齊桓公求魯侵地已盟而釋
 桓公桓公欲背約管仲諫卒歸魯侵地十五

年齊桓公始霸二十三年莊公如齊觀社韋昭

曰齊因祀社蒐軍實以示軍容公往觀之三十二年初莊公築臺

臨黨氏賈逵曰黨氏魯大夫任姓見孟女賈逵曰黨氏之女○索隱曰左

傳云初公築臺臨黨氏見孟任從說而愛之

許立為夫人割臂以盟服虔曰割其臂以與公盟孟女生

子班班長說梁氏女杜預曰梁氏魯大夫往觀圉人榮

自牆外與梁氏女戲服虔曰圉人掌養馬者

反班怒鞭榮莊公聞之曰榮有力焉遂殺之

是未可鞭而置也。斑未得殺，會莊公在疾。莊
公有三弟，長曰慶父，次曰叔牙，次曰季友。莊
公取齊女為夫人，曰哀姜。哀姜無子，哀姜嫁
音田曰叔姜生子開。莊公無適嗣，愛孟女，欲
立其子斑。莊公病而問嗣於弟叔牙。叔牙曰：
「一繼一及，魯之常也。」何休曰：父死子繼，兄死弟及。慶父在，
可為嗣。君何憂？莊公患叔牙欲立慶父，退而
問季友。季友曰：「請以死立斑也。」莊公曰：「曩者

叔牙欲立慶父，奈何？季友以莊公命，命牙待

於鍼巫氏。

杜預曰：鍼，巫魯大夫。

使鍼季劫飲叔牙以鴆。

服虔曰：鴆，鳥。

曰：「飲此，則有後奉祀，不然死。」且

無後，牙遂飲鴆而死。魯立其子為叔孫氏。

杜預

曰：不以罪誅，故得立後世繼其祿也。

八月癸亥，莊公卒。季友竟

立子斑為君。如莊公命，侍喪舍于黨氏。

正義曰：未

至公官止。

先時慶父與哀姜私通，欲立哀姜

娣子開。及莊公卒，而季友立斑。十月己未，慶

父使圉人榮殺魯公子斑於黨氏季友奔陳

服虔曰季友內知慶父情力不能誅故避其難出奔慶父竟立莊公子

開是為湣公

索隱曰系本名曰啓今此作開避漢景帝諱耳春秋作閔公也

湣公二年慶父與哀姜通益甚哀姜與慶父

謀殺湣公而立慶父慶父使卜齋襲殺湣公

於武闈

賈逵曰卜齋魯大夫也官中之門謂之闈正義曰齋魚綺反闈音韋

季友聞之自陳與湣公弟申如邾請魯求內

之魯人欲誅慶父慶父恐奔莒於是季友奉

子申入立之是為釐公

索隱曰湣公之弟名曰申成季相之魯

以理於是魯人為僖公作魯頌

釐公亦莊公少子哀姜恐奔

邾季友以賂如莒求慶父慶父歸使人殺慶

父慶父請奔弗聽乃使大夫奚斯行哭而往

慶父聞奚斯音乃自殺齊桓公聞哀姜與慶

父亂以危魯乃召之邾而殺之以其屍歸戮

之魯魯釐公請而葬之季友母陳女故亡在

陳陳故佐送季友及子申季友之將生也父

魯桓公使入卜之曰男也其名曰友間于兩

社為公室輔賈逵曰兩社周社亳社也兩社之間朝廷執政之臣所在李

友亡則魯不昌及生有文在掌曰友遂以名

之彌為成季其後為季氏慶父後為孟氏也

釐公元年以汶陽鄆封季友賈逵曰汶陽鄆魯二邑杜預曰

汶陽汶水北地也汶水出泰山萊蕪縣○索隱曰鄆今作費音同祕按費在汶水之北則

汶陽非邑賈言二邑非也地理志東海費縣班固云魯季氏邑蓋尚書費誓即是其地

季友為相九年晉里克殺其君奚齊卓子徐廣

曰卓一作悼齊桓公率釐公討晉亂至高梁而還

索隱曰晉地在平陽縣立晉惠公十七年齊桓公卒二

十四年晉文公即位三十三年釐公卒子興

立是為文公文公元年楚太子商臣弑其父

成王代立三年文公朝晉襄公十一年十月

甲午魯敗翟于鹹服虔曰魯地也獲長翟橋如富父

終甥春其喉以戈殺之服虔曰富父終甥理

其首於子駒之門賈逵曰子駒魯郭門名以命宣伯服虔

日宣伯叔孫得臣子喬如也得臣獲初宋武

喬如以名其子使後世旌識其功

公之世鄭瞞伐宋服虔曰武公周平王時在春秋前二十五年鄭瞞長

以敗翟子長丘杜預曰宋地名獲長翟緣斯賈逵曰

翟國名○正義曰鄭作鄭音所劉反瞞莫寒反司徒皇父帥師禦之

晉之滅路在魯宣公十五年獲喬如弟焚如齊惠

公二年鄭瞞伐齊齊王子城父獲其弟榮如

埋其首於北門按年表齊惠公二年衛人獲其

季弟簡如服虔曰獲與鄭瞞由是遂亡杜預曰長

翟之十五年季文子使於晉十八年二月文

公率文公有二妃長妃齊女哀姜索隱曰此哀非謚蓋

以哭而過市國人哀之謂之哀姜生子惡及視次妃敬嬴嬖

愛生子倭徐廣曰一作倭○索隱曰音人唯反倭私事襄仲服虔

日襄仲公子遂襄仲欲立之叔仲曰不可服虔曰叔仲惠伯

襄仲請齊惠公惠公新立欲親魯許之冬十

月襄仲殺子惡及視而立倭是為宣公哀姜

歸齊哭而過市曰天乎襄仲為不道殺適正義

史記卷三十三

音立庶市人皆哭魯人謂之哀姜魯由此公

室卑三桓疆服虔曰三桓魯桓公孫叔孫季孫宣公倭十

二年楚莊王疆圍鄭鄭伯降復國之十八年

宣公卒子成公黑肱徐廣曰肱一作股立是為成公

季文子曰使我殺適立庶失大援者襄仲服虔

曰援助也仲殺適立庶國政無常鄰國非之是失大援助也杜預曰襄仲立宣公南通於

楚既不固又不能堅襄仲立宣公公孫歸父

有寵服虔曰歸父襄仲子宣公欲去三桓與晉謀伐三

桓會宣公卒季文子怨之歸父奔齊成公二

年春齊伐取我隆左傳作龍杜預曰魯邑在泰山博縣西南夏公

與晉卻克敗齊頃公於鞌齊復歸我侵地四

年成公如晉晉景公不敬魯魯欲背晉合於

楚或諫乃不十年成公如晉晉景公卒因留

成公送葬魯諱之索隱曰經不書其葬唯言公如晉是諱之十五

年始與吳王壽夢會鍾離正義曰括地志云鍾離國故城在濠

州鍾離縣東五里十六年宣伯告晉欲誅季文子服虔

曰宜伯叔孫喬如

文子有義晉人弗許十八年成公

卒子午立是為襄公是時襄公三歲也襄公

元年晉立悼公往年冬晉藥書弑其君厲公

四年襄公朝晉五年季文子卒家無衣帛之

妾廋無食粟之馬府無金玉以相三君

索隱曰宣

成君子曰季文子廉忠矣九年與晉伐鄭晉

悼公冠襄公於衛

左傳曰冠子成公之廟假鐘磬焉禮也

季武

子從相行禮十一年三桓氏分為三軍

韋昭曰周

禮天子六軍諸侯大國三軍魯伯禽之封舊有三軍其後削弱二軍而已季武子欲專公

室故益中軍以為三軍三家各征其一○索隱曰征謂起徒役也武子為三軍故一卿主

一軍之十二年朝晉十六年晉平公即位二

十一年朝晉平公二十二年孔丘生

正義曰生在周

靈王二十一年魯二十二年晉平七年吳諸樊十年二十五年齊崔杼

弑其君莊公立其弟景公二十九年吳延陵

季子使魯問周樂盡知其意魯人驚焉三十

一年六月襄公卒其九月太子卒

左傳曰毀也○索隱

曰左傳云胡女敬歸魯人立齊歸之子稠為

君徐廣曰稠一作昭服虔曰胡歸姓之國也

音細是為昭公昭公年十九猶有童心服虔曰言

無成人之心而穆叔不欲立索隱曰魯大夫叔孫豹宜伯僑

如之曰太子死有母弟可立不即立長服虔曰無

母弟則立年鈞擇賢義鈞則卜之杜預曰先

庶子之長年鈞擇賢義鈞則卜之杜預曰先

有喜色若果立必為季氏憂季武子弗聽卒

立之比及葬三易表杜預曰言其君子曰是

不終也昭公三年朝晉至河晉平公謝還之

魯恥焉四年楚靈王會諸侯於申昭公稱病

不往七年季武子卒八年楚靈王就章華臺

召昭公昭公往賀春秋云七年三月公如楚賜昭公寶器

已而悔復詐取之左傳曰好以大屈服虔曰

大屈弓名魯連書曰楚子享魯侯于章華與

之大曲之弓也既而悔之大屈殆所謂大曲

也之弓十二年朝晉至河晉平公謝還之十三

年楚公子棄疾弑其君靈王代立十五年朝

晉晉留之葬晉昭公魯恥之二十年齊景公

與晏子狩竟因入魯問禮索隱曰齊系家亦然左傳無其事

二十一年朝晉至河晉謝還之二十五年春

鸛鵒來巢周禮曰鸛鵒不踰濟公羊傳曰非中國之禽也宜穴而巢穀梁傳曰

來者來師已曰文成之世童謠曰賈逵曰師已魯大夫

也文成魯鸛鵒來巢公在乾侯鸛鵒入處公

在外野季氏與郈氏徐廣曰本作鬬雞杜預厚世本亦然

平子郈昭伯二季氏芥雞羽服虔曰擣芥子家相近故鬬雞

至郈氏目杜預曰或云郈氏金鉅服虔曰以膠沙播之為芥雞

季平子怒而侵郈氏服虔曰怒其不下已也侵郈氏之宮地以自益

郈昭伯亦怒平子索隱曰系本昭伯名惡魯季公之後稱厚氏

昭伯之弟會賈逵曰昭伯藏孫賜也○索隱曰系本藏會藏項伯也宣叔許

之孫與昭伯賜偽讒藏氏匿季氏藏昭伯囚

季氏人季平子怒曰藏氏老服虔曰老藏氏家之大臣

郈氏以難告昭公昭公九月戊戌伐季氏遂

入平子登臺請曰君以讒不察臣罪誅之請

遷沂上弗許

杜預曰魯城南自有沂水平子欲出城待罪也大沂水出蓋縣

南入泗水

請囚於鄆弗許

服虔曰鄆季氏邑

請以五乘亡

弗許

服虔曰言五乘

子家駒曰

索隱曰魯大夫仲孫氏之

族名駒謚懿伯

君其許之政自季氏久矣為徒者衆

衆將合謀弗聽郈氏曰必殺之叔孫氏之臣

戾

左傳曰

謂其衆曰無季氏與有孰利皆曰

無季氏是無叔孫氏戾曰然救季氏遂敗公

師孟懿子

賈逵曰懿子仲孫何忌

聞叔孫氏勝亦殺郈

昭伯郈昭伯為公使故孟氏得之三家共伐

公公遂奔已亥公至于齊齊景公曰請致千

社待君子家曰弃周公之業而臣於齊可乎

乃止子家曰齊景公無信不如早之晉弗從

叔孫見公還見平子平子頓首初欲迎昭公

孟孫季孫後悔乃止二十六年春齊伐魯取

鄆

賈逵曰魯邑

而居昭公焉夏齊景公將內公令

無受魯賂申豐汝賈賈逵曰申豐汝賈魯大夫許齊臣高

訖子將粟五千庾賈逵曰十六斗為庾五千

子將上有貨字子將即梁丘據也訖子將言音訖子將家臣也左傳子將作子猶

於齊侯曰羣臣不能事魯君有異焉服虔曰異猶恠

也宋元公為魯如晉求內之道卒春秋曰宋公佐卒于

棘叔孫昭子求內其君無病而死索隱曰昭子名嫪即

魯叔不知天弃魯乎抑魯君有罪于鬼神也

願君且待齊景公從之二十八年昭公如晉

求入季平子私於晉六卿六卿受季氏賂諫

晉君晉君乃止居昭公乾侯杜預曰乾侯在魏郡作丘縣晉

邑境內二十九年昭公如鄆齊景公使人賜昭

公書自謂至君服虔曰大夫稱主君比昭公恥

之怒而去乾侯三十一年晉欲內昭公召季

平子平子布衣跣行王肅曰爾憂戚因六卿謝罪六

卿為言曰晉欲內昭公衆不從晉人止三十

二年昭公卒於乾侯魯人共立昭公弟宋為

君是為定公。定公立，趙簡子問史墨。服虔曰：史墨，晉

史墨曰：季氏亡乎？史墨對曰：不亡。季友有大

功於魯，受鄆為上卿。至于武子、文子，世增其

業。魯文公卒，東門遂。服虔曰：東門遂，襄仲也。居東門，故稱東門遂。○

索隱曰：系本並作遂，鄆並作林。又殺適立庶

魯君，於是失國。政在季氏，於今四君矣。民

不知君何以得國，是以為君慎器與名不可

以假人。杜預曰：器，車服名，爵號。定公五年，季平子卒，陽

虎私怒，囚季桓子，與盟，乃捨之。七年，齊伐我。

取鄆，以為魯陽虎邑，以從政。八年，陽虎欲盡

殺三桓，適而更立其弟善。庶子以代之。載季

桓子將殺之。桓子詐而得脫。三桓共攻陽虎。

陽虎居陽關。服虔曰：陽關，魯邑。九年，魯伐陽虎。陽虎

奔齊。已而奔晉。趙氏。正義曰：左傳云：仲尼曰：趙氏其世有亂乎？杜預

云：受亂人故。十年，定公與齊景公會於夾谷。孔子

行相事。齊欲襲魯君。孔子以禮歷階，誅齊淫。

樂齊侯懼乃止歸魯侵地而謝過十二年使

仲由毀三桓城

服虔曰仲由子路

收其甲兵孟氏不

肯墮城

杜預曰墮毀也

伐之不克而止季桓子受齊

女樂孔子去

孔安國曰桓子使定公受齊女樂君臣相與觀之廢朝禮三日

十五年定公卒子將立是為哀公

索隱曰系本將亦作

蔣哀公五年齊景公卒六年齊田乞弑其君

孺子七年吳王夫差疆伐齊至繒徵百牢於

魯季康子使子貢說吳王及太宰嚭以禮訟

之吳王曰我文身不足責禮乃止八年吳為

鄒伐魯至城下盟而去齊伐我取三邑十年

伐齊南邊十二年齊伐魯季氏用冉有有功

思孔子孔子自衛歸魯十四年齊田常弑其

君簡公於徐州孔子請伐之哀公不聽十五

年使子服景伯子貢為介適齊齊歸我侵地

田常初相欲親諸侯十六年孔子卒二十二

年越王勾踐滅吳王夫差二十七年春季康

子卒夏哀公患三桓將欲因諸侯以劫之三

桓亦患公作難故君臣多間賈逵曰公游于

陵阪服虔曰陵阪地名遇孟武伯於衢索隱曰一本

氏之行傳於孟曰請問余及死乎杜預曰問已對曰

不知也公欲以越伐三桓八月哀公如陘氏

杜預曰陘氏即有山氏三桓攻公公奔于衛去如鄆遂

如越國人迎哀公復歸卒于有山氏徐廣曰

云哀公元甲子寧立是為悼公悼公之時三

桓勝魯如小侯卑於三桓之家十三年三晉

滅智伯分其地有之三十七年悼公卒徐廣

本云悼公即位三十年乃於秦惠王卒楚懷

王死年合又自悼公以下盡與劉歆曆譜合

而反違年表未詳何故皇甫謐云悼公四十年元辛未終庚戌子嘉立是為

元公元公二十一年卒徐廣曰皇甫謐云子

顯立是為穆公索隱曰系本穆公三十三年

卒徐廣曰皇甫謐云子奮立是為共公共公

二十二年卒徐廣曰皇甫謐云子屯立是為

康公

索隱曰：音竹倫反。

康公九年

徐廣曰：皇甫謐云：元丁卯終乙。

亥

子匭立是為景公

索隱曰：匭音偃。

景公二十九年

卒

徐廣曰：皇甫謐云：元丙子終甲辰。

子叔立是為平公

索隱曰：系。

本叔

是時六國皆稱王平公十二年秦惠王

卒三十二年平公卒

徐廣曰：皇甫謐云：元乙巳終甲子。

子賈

立是為文公

索隱曰：系本作潛公。鄒誕亦同。系家或作文公。

文公七

年楚懷王死于秦二十三年文公卒

徐廣曰：皇甫謐曰：

云：元乙丑終丁亥。

子雝立是為頃公頃公二年秦校

楚之郢

徐廣曰：年表云：文公十年秦拔郢。楚走陳。

楚頃王東徙

于陳十九年楚伐我取徐州

徐廣曰：徐州在魯東。今薛縣。

索隱曰：說文：邾邾之下邑在魯東。又郡國志曰：魯國薛縣六國時曰徐州。文紀年云：梁惠

王三十一年下邳遷于薛。故名曰徐州。則徐與邾並音舒。

二十四年楚考

烈王伐滅曹頃公亡遷於卞邑

徐廣曰：卞一作下。○索隱

曰：下邑謂外國之小邑。本或作卞邑。然魯有卞邑。與此不同。

為家人魯絕

祀頃公卒于柯

徐廣曰：皇甫謐云：元戊子終辛亥。○索隱曰：春秋齊又魯

盟于柯。杜預云：柯齊邑。今濟北東阿。魯起周公至頃公凡三十

四世

太史公曰余聞孔子稱曰甚矣魯道之衰也

洙泗之間斷斷如也

徐廣曰漢書地理志云魯濱洙泗之間其民涉

渡幼者扶老者而代其任俗既薄長老不自安與幼者相讓故曰斷斷如也斷魚斤反東州語也蓋幼者患苦長者長者忿愧自守故斷斷爭辯所以為道衰也○索隱曰讀如論語閭閻如也言魯道雖微而洙泗之間尚閭閻如也鄰誕生亦音銀又作斷斷如尚書讀則斷斷是專一之義徐廣又引地理志音五難反云斷斷是閭爭之貌故繁欽遂行賦云涉洙泗而飲馬駟少長之斷斷是也今按下文云至于揖讓之禮則從矣魯尚有揖讓之

風如論語音閭為得之也觀慶父及叔牙閔公之際何其

亂也隱桓之事襄仲殺適立庶三家北面為

臣親攻昭公昭公以奔至其揖讓之禮則從

矣而行事何其戾也

索隱述贊曰

武王既沒成王幼孤周公攝政

負宸據圖及還臣列北面躬如

元子封魯少昊之墟夾輔王室

世職不渝 降及孝公 穆仲致譽

隱能讓國 春秋之初 丘明執簡

褒貶備書

魯周公世家第三 史記三十三

魯周公世家第三 史記三十三

燕召公世家第四 史記三十四

召公奭與周同姓姓姬氏 燕周曰周之支族

公○索隱曰召者畿內菜地奭始食於召故

曰召公或說者以為文王受命取岐州故墟

召地分爵二公故詩有周召二南言皆在岐

山之陽故言南也後武王封之北燕在今幽

州薊縣故城是也亦以元子就封而次子留

周室代為召公至宣王時召康公虎其後也

周武王之滅紂封召公於北燕 世本曰居北

南燕故 其在成王時召公為三公自陝以西

召公主之自陝以東周公主之 何休曰陝者

也縣是成王既幼周公攝政當國踐祚名公疑

之作君奭孔安國曰尊之曰君陳君奭不說

周公馬融曰召公以周公既攝政致太平功配文武不宜復列在臣位故不說以為

周公荀周公乃稱湯時有伊尹假于皇天孔安

國曰伊尹佐湯功大至天謂致太在太戊時

則有若伊陟臣扈假于上帝巫咸治王家孔安

國曰伊陟臣扈率伊尹之職使其君不隕祖

業故至天之功不隕巫咸治王家言其不及

二臣馬融曰道而至于上帝謂奉天在祖乙

時則有若巫賢比巫賢也賢咸子巫氏在武

丁時則有若甘般孔安國曰高宗即位率維

茲有陳保徐廣曰一無此九字駟案有殷

之功安於是召公乃說召公之治西方甚得

兆民和召公巡行鄉邑有棠樹正義曰今之

地志云召伯廟在洛州壽安縣西北五里召

伯聽訟甘棠之下周人思之不伐其樹後人

懷其德因立廟甘棠決獄政事其下自侯伯

至庶人各得其財無失職者召公率而民人

思召公之政懷棠樹不敢伐歌詠之作甘棠

之詩自召公以下九世至惠侯索隱曰並國史先失也又

自惠侯以下皆無名亦不言屬惟昭王父子有名蓋在戰國時旁見他說耳燕四十二代

有二惠侯一釐侯二宣侯三相侯三丈侯蓋國史微失本謚故重耳燕惠侯當

周厲王奔彘共和之時惠侯卒子釐侯立是

歲周宣王初即位釐侯二十一年鄭桓公初

封於鄭三十六年釐侯卒子頃侯立頃侯二

十年周幽王淫亂為犬戎所弑秦始皇列為諸

侯二十四年頃侯卒子哀侯立哀侯二年卒

子鄭侯立索隱曰謚法無鄭鄭或是名鄭侯三十六年卒

子繆侯立繆侯七年而魯隱公元年也十八

年卒子宣侯立索隱曰譙周云系本謂燕自宣侯已上皆父子相傳故無

所疑桓侯已下並不言屬以其難明故也按今系本無燕代系宋忠依太史書以補其闕

尋徐廣作音尚引系宣侯十三年卒子桓侯

立徐廣曰古史考曰世家自宣侯桓侯七年已下不說其屬以其難明故也

桓侯七年卒系本曰桓侯徙臨易宋忠曰今河間易縣是也子莊公立莊公十

二年齊桓公始霸十六年與宋衛共伐周惠

王惠王出奔溫立惠王弟頹為周王譙周曰按春秋

傳燕與子頹逐周惠王者乃南燕姑姓也系家以為北燕失之○索隱曰譙周云據左氏

燕與衛伐周惠王乃是南燕姑姓而系家以為北燕伯故著史考云此燕是姑姓今檢左

氏莊十九年衛師燕師伐周二十年齊伐山戎傳云執燕仲父三十年齊伐山戎傳曰謀

山戎以其病燕故也據傳文及此記元是北燕不疑杜君妄說仲父是南燕伯為伐周故

且燕衛俱是姬姓故有伐周納土之事若是姑燕與衛伐周則鄭何以獨伐燕而不伐衛

乎十七年鄭執燕仲父而內惠王于周二十

七年山戎來侵我齊桓公救燕遂北伐山戎

而還燕君送齊桓公出境桓公因割燕酈至

地予燕正義曰予音與括地志云燕留故城在滄州長蘆縣東北即齊桓公分濟

割燕君所至地與燕因築此城故名燕留使燕共貢天子如成周

時職使燕復脩召公之法三十三年卒子襄

公立襄公二十六年晉文公為踐土之會稱

伯三十一年秦師敗于殽三十七年秦穆公

卒四十年襄公卒桓公立桓公十六年卒索隱

日譙周云系家襄伯生宣公無桓今檢史記
並有桓公立十六年又宋忠據此史補系家
亦有桓公是允南所見宣公立宣公十五年
本異則是燕有三桓公

卒昭公立昭公十三年卒武公立是歲晉滅
三郤大夫武公十九年卒文公立文公六年
卒懿公立懿公元年齊崔杼弑其君莊公四
年卒子惠公立惠公元年齊高止來奔六年
惠公多寵姬公欲去諸大夫而立寵姬宋太
夫共誅姬宋索隱曰宋其名也或作宗劉氏云其父兄為執政故諸大夫共

滅之惠公懼奔齊四年齊高偃如晉請共伐燕

入其君晉平公許與齊伐燕入惠公惠公至

燕而死索隱曰春秋昭三年北燕伯款奔齊至六年又云齊伐北燕一與此文合

左傳無納款之文而云將納簡公晏子曰燕君不入矣齊遂受賂而還事與此乖而又以款為簡公簡公後惠公四代則與春秋經傳不相協未可強言也燕立悼公

悼公七年卒共公立共公五年卒平公立晉

公室卑六卿始彊大平公十八年吳王闔閭

破楚入郢十九年卒簡公立簡公十二年卒

獻公立

索隱曰王邵按紀年簡公後次孝公無獻公然紀年之書多是爲謬聊記

耳晉趙鞅圍范中行於朝歌獻公十二年齊

田常弑其君簡公十四年孔子卒二十八年

獻公卒孝公立孝公十二年韓魏趙滅智伯

分其地

索隱曰按紀年智伯滅在成公二年

三晉彊十五年孝

公卒成公立成公十六年卒

索隱曰按紀年成侯名載

湣

公立湣公三十一年卒釐立立

索隱曰年表作釐侯莊徐

廣云一無莊字按燕失年紀是其君名表言莊者衍字也是歲三晉列為

諸侯

索隱曰按紀年作文公二十四年卒簡公立十三年而三晉命邑爲諸侯與此

不釐公三十年伐齊敗于林營

索隱曰林營地名一云林

地名於林地立營故曰林營

釐公卒

索隱曰紀年作簡公四十五年卒妾也按

上簡公生獻公則此當是釐但立年又誤耳

桓公立桓公十一年

卒文公立

索隱曰系本已上文公爲閔公則湣與閔同而上懿公之父又謚文

公是歲秦獻公卒秦益彊文公十九年齊威

王卒二十八年蘇秦始來見說文公文公予

車馬金帛以至趙趙肅侯用之因約六國為

從長秦惠王以其女為燕太子婦二十九年
文公卒太子立是為易王易王初立齊宣王
因燕喪伐我取十城蘇秦說齊使復歸燕十
城十年燕君為王索隱曰燕君即易王也言君初以十年即稱王也上言易王者易謚耳蘇秦與燕文公夫人私通懼
因敵間而用之也九軍之所欲擊城之所欲
攻人之所欲殺必先知其守將左右謁者門
者舍人之姓名令吾之閒必索敵間之來易
間我者因而利導舍之故反間可得用也

王立十二年率子燕噲立燕噲既立齊人殺
蘇秦蘇秦之在燕與其相子之為婚而蘇代
與子之交及蘇秦死而齊宣王復用蘇代燕
噲三年與楚三晉攻秦不勝而還子之相燕
貴重主斷蘇代為齊使於燕索隱曰按戰國策曰子之使蘇代侍質子於齊齊使代報燕是也燕王問曰齊王奚如對曰
必不霸燕王曰何也對曰不信其臣蘇代欲
以激燕王以尊子之也於是燕王大信子之

子之因遺蘇代百金而聽

正義曰：賸云：秦以一益為一金。孟康

云二十四兩為鎰

其酌使鹿毛壽

徐廣曰：一作屠毛。又曰：甘陵縣本名

屠○索隱曰：春秋後語亦作屠毛壽。又韓子作潘壽。

謂燕王不如以國

讓相子之人之謂堯賢者以其讓天下於許

由許由不受有讓天下之名而實不失天下

今王以國讓於子之子之必不敢受是王與

堯同行也燕王因屬國於子之子之大重

索隱曰：大重謂尊貴。

或曰：已語終辭。而以啓人為吏

索隱曰：人謂或曰：已語終辭。

無其文未知所由。

而以啓人為吏

索隱曰：人謂或曰：已語終辭。

為益吏及老而以啓人為不足任乎天下傳

之於益已而啓與支黨攻益奪之天下謂禹

名傳天下於益已而實今啓自取之今王言

屬國於子之而吏無非太子人者

索隱曰：此正人亦訓臣。

也是名屬子之而實太子用事也王因收印

自三百石吏已上而效之子之

索隱曰：鄭玄云：效呈也。

印呈與子之南面行王事而噲老不聽政顧

為臣

索隱曰顧猶反也言會反為子之臣也有本作願者非

國事皆決

於子之三年國大亂百姓惘怨

索隱曰惘猶痛也民皆恐

懼將軍市被

正義曰與太子平謀將攻子之

諸將謂齊湣王曰因而赴之破燕必矣齊王

因令人謂燕太子平曰寡人聞太子之義將

廢私而立公飭君臣之義明父子之位寡人

之國小不足以為先後

正義曰先後並去聲雖然則唯

太子所以令之太子因要黨聚眾將軍市被

圍公宮攻子之不克將軍市被及百姓反攻

太子平將軍市被死以徇因構難數月死者

數萬眾人惘恐百姓離志孟軻謂齊王曰今

伐燕此文武之時不可失也

索隱曰謂如武王成文王之業

伐紂之時然此語與孟子不同

王因令章子將五都之兵

章子

齊人見孟子○索隱曰五都即齊也按臨淄是五都之一

以因北地之眾

以伐燕

索隱曰北地即齊之北邊

士卒不戰城門不閉燕

君奮死齊大勝燕子之亡

徐廣曰年表云君奮及太子相子之

皆死。案汲冢紀年云：二年而燕人共立太子平，是為燕昭王。徐廣曰：晉立七年而死，其九年燕人共立太子平。○索隱曰：按上文太子平，諱攻子之，而年表又云：君嘗及太子相子之皆死。紀年又云：子之殺公子平。今此文云：立太子平，是為燕昭王，則年表紀年為謬也。而趙系家云：武靈王聞燕亂，召公子職於韓，立以為燕王，使樂池送之。裴駰亦以此系家無趙送公子職之事，當是遙立職而送之，事竟不就，則開王名平非職明矣。進退參詳，是年表既誤，而紀年因之而妄。燕昭王於破燕之後即位，卑身厚幣以招賢者。謂郭隗曰：齊因孤之國亂而襲破燕，

孤極知燕小力少，不足以報。然誠得賢士以共國，以雪先王之恥，孤之願也。先生視可者，得身事之。郭隗曰：王必欲致士，先從隗始。况賢於隗者，豈遠千里哉？於是昭王為隗改築宮而師事之。樂毅自魏往，鄒衍自齊往，劇辛自趙往，士爭趨燕。燕王吊死問孤，與百姓同甘苦。二十八年，燕國殷富，士卒樂軼輕戰。於是遂以樂毅為上將軍，與秦楚三晉合謀以

伐齊齊兵敗湣王出亡於外燕兵獨追北入
至臨淄盡取齊寶燒其宮室宗廟齊城之不
下者獨唯聊莒即墨索隱曰按餘篇及其餘戰國策共無聊字
皆屬燕六歲昭王三十三年卒子惠王立惠
王為太子時與樂毅有隙及即位疑毅使騎
劫代將樂毅亡走趙齊田單以即墨擊敗燕
軍騎劫死燕兵引歸齊悉復得其故城湣王
死于莒乃立其子為襄王惠王七年卒索隱曰按

趙系家惠文王二十八年燕相成安君公孫操弑其王樂資以為即惠王也徐廣按年表是年燕武成王元年武成即惠王子則惠王為成安君弑明矣此不言者燕遠諱不告或太史公之說疎也韓魏楚共伐燕燕武成王立武成

王七年齊田單伐我拔中陽十三年秦敗趙
於長平四十餘萬十四年武成王卒子孝王
立孝元十三年秦圍邯鄲者解去三年卒子今
王喜立索隱曰今王猶今上也有金今王喜四
年秦昭王卒燕王命相栗腹約歡趙以五百

金為趙主酒還報燕王曰趙王壯者皆死長

平其孤未壯可伐也王名昌國君樂間問之

對曰趙四戰之國正義曰趙東隣燕西接秦南錯韓魏北連胡貊故言

四其民習兵不可伐王曰吾以五而伐二索隱

而伐一人對曰不可燕王怒羣臣皆以為可方十

卒起二軍車二千乘栗腹將而攻鄒徐廣曰在常山

今日高邑○索隱曰鄒氏音火角反一音昊卿秦攻代正義曰今

國策云廉頗以二十萬遇腹於要鄒樂乘以五萬遇慶秦於代燕人大敗與此不同唯

獨大夫將渠謂燕王曰索隱曰人名姓也一云上卿秦及此將渠

皆卿將官秦渠其名國史變文而書遂失與姓爾戰國策云慶秦慶是姓也卿其官耳

入通關約交以五百金飲人之王使者報而

反攻之不祥兵無成功燕王不聽自將偏軍

隨之將渠引燕王綬止之曰王必無自往往

無成功王蹙之以足將渠泣曰臣非以自為

為王也燕軍至宋子徐廣曰屬鉅鹿趙使廉頗將擊

破栗腹於鄒破卿秦樂乘於代樂間奔趙廉

頗逐之五百餘里圍其國燕人請和趙人不

許必令將渠處和燕相將渠以處和以將渠為相○

索隱曰謂欲令將渠處之使和也趙聽將渠解燕圍六年秦

滅東西周置三川郡七年秦拔趙榆次三十

七城秦置太原郡九年秦王政初即位十年

趙使廉頗將攻繁陽徐廣曰屬魏郡拔之趙孝成王

卒悼襄王立使樂乘代廉頗廉頗不聽攻樂

乘樂乘走廉頗奔大梁十二年趙使李牧攻

燕拔武遂徐廣曰屬河間方城徐廣曰屬涿有督亢亭劇辛故

居趙與龐煖善索隱曰煖音况煖已而亡走燕燕見

趙數困于秦而廉頗去令龐煖將也欲因趙

弊攻之問劇辛辛曰龐煖易與耳燕使劇辛

將擊趙趙使龐煖擊之取燕軍二萬殺劇辛

秦拔魏二十城置東郡十九年秦拔趙之鄴

正義曰即相州鄴縣九城趙悼襄王卒二十三年太子

丹質於秦亡歸燕二十五年秦肅滅韓王安

置潁川郡二十七年秦虜趙王遷滅趙趙公

子嘉自立為代王燕見秦且滅六國秦兵臨

易水徐廣曰出涿郡故安禍且至燕太子丹陰養壯士

二十人使荆軻獻督亢地圖於秦索隱曰徐廣云涿有

督亢亭地理志屬廣陽然督亢之田在燕東其良沃欲獻秦故畫其圖而獻焉因襲

刺秦王秦王覺殺軻使將軍王翦擊燕二十

九年秦攻拔我薊燕王亡徙居遼東斬丹以

獻秦三十年秦滅魏三十三年秦拔遼東虜

燕王喜卒滅燕是歲秦將王賁正義曰賁音奔王翦子

亦虜代王嘉

太史公曰名公爽可謂仁矣甘棠且思之况

其人乎燕北迫蠻貉內措齊晉索隱曰措交雜也又作錯

劉氏云崎嶇疆國之間最為弱小幾滅者數

矣然社稷血食者八九百歲於姬姓獨後亡

豈非名公之烈耶

索隱述贊曰

召伯作相 分陝而治 人惠其德

甘棠是思 莊送伯主 惠羅寵姬

文公約趙 蘇秦騁辭 易王初立

齊宣我欺 燕會無道 禪位子之

昭王待士 思報臨菑 督亢不就

卒見芟夷

燕召公世家第四 史記三十四

管蔡世家第五 史記三十五

管叔鮮正義曰音仙括地志云鄭州管城縣今州外城即管國城也是叔鮮所封

也蔡叔度者周文王子而武王弟也武王同

母兄弟十人母曰太妣正義曰國語云妣二國姓夏禹之後

太妣之家太妣文王之妃武王之母烈女傳云太妣者武王之母禹後妃氏之女也在邵

之陽在渭之涘仁而明道文王喜之親迎於渭造舟為梁及入太妣思任旦夕勤勞以進

婦道太妣號曰文母文王理外文母治內太妣生十男教誨自少及長未嘗見邪僻之事

言常以正文王正妃也其長子曰伯邑考次道持之也

曰武王發次曰管叔鮮次曰周公旦次曰蔡

叔度次曰曹叔振鐸次曰成叔武正義曰括

州雷澤縣在東南九十一里漢鄭陽縣古鄭伯姬姓之國其後遷於成之陽正次曰

霍叔處正義曰處昌汝反括地志云晉州霍邑縣本漢彘縣也鄭玄註周禮云霍

山在彘本春秋時霍伯國地次曰康叔封次曰冉季載正義

曰冉作丹音奴甘反或作鄆音同冉國名也率載人名也伯邑考最長所以加伯諸中子

咸言叔以載最冉季載最少同母兄弟十人

徐廣曰文王之子唯發旦賢左右輔文王正義

曰左右並去聲故文王舍伯邑考而以發為太子及

文王崩而發立是為武王伯邑考既已前卒

矣武王已克殷紂平天下封功臣昆弟於是

封叔鮮於管杜預曰管在榮陽京縣東北封叔度於蔡世本

曰居上蔡二人相紂子武庚祿父治殷遺民封叔

旦於魯而相周公封叔振鐸於曹封叔

武於成索隱曰按春秋隱五年衛師入戚社

志以為成本國又地理志云廩丘縣南有成故城應助云武王封弟季載於成是古之城

國應仲遠誤封叔處於霍索隱曰春秋閔元

云季載封耳索隱曰春秋閔元

東北是霍叔之所封康叔封

未得封索隱曰孔安國曰康畿內國

崩成王少周公旦專王室管叔蔡叔疑周公

之為不利於成王乃挾武庚以作亂周公旦

承成王命伐誅武庚殺管叔而放蔡叔遷之

與車十乘徒七十人從而分殷餘民為二其

一封微子啓於宋以續殷祀其一封康叔為

衛君是為衛康叔封季載於冉索隱曰冉國

字也冉或作那國語曰冉季鄭姬賈逵曰文

王子聃季之國也莊十八年楚武王克權遷

於那處社預云那處楚地南郡編冉季康叔

皆有馴行索隱曰如字於是周公舉康叔為

周司寇冉季為周司空索隱曰事見左以佐

成王治皆有令名於天下蔡叔度既遷而死

其子曰胡胡乃改行率德馴善周公聞之而

舉胡以為魯卿士索隱曰尚書云蔡仲克庸

乃命諸王邦之蔡元無仕魯之文又伯禽居魯乃是七年致政之後此言乃說居攝政之初未知史遷何魯國治於是周公言於成王憑而有斯言也

復封胡於蔡宋忠曰胡徙居新蔡以奉蔡叔之祀是為

蔡仲餘五叔皆就國無為天子吏者索隱曰五叔管叔蔡叔成叔

蔡仲率子蔡伯荒立蔡伯荒率

子宮侯立宮侯率子厲侯立厲侯卒子武侯

立武侯之時周厲王失國奔彘共和行政諸

侯多叛周武侯率子夷侯立夷侯十一年周

宣王即位二十八年夷侯率子釐侯所事立

釐侯三十九年周幽王為犬戎所殺周室卑

而東徙秦始得封為列侯正義曰周幽王為犬戎所殺平王東徙洛邑秦襄公以兵救因送平王至洛故平王封襄父

四十八年釐侯

卒子共侯興立共侯二年卒子戴侯立戴侯

十年卒子宣侯措父立宣侯二十八年魯隱

公初立三十五年宣侯率子桓侯封人立桓

侯三年魯弑其君隱公二十年桓侯率弟哀

侯獻舞立哀侯十一年初哀侯娶陳息侯亦

娶陳杜預曰息國汝南新息縣息夫人將歸過蔡蔡侯不

敬息侯怒請楚文王來伐我我求救於蔡蔡

必來楚因擊之可以有功楚文王從之庸蔡

哀侯以歸哀侯留九歲死於楚凡立二十年

卒蔡人立其子盼是為繆侯繆侯以其女弟

為齊桓公夫人十八年齊桓公與蔡女戲船

中夫人蕩舟桓公止之不止公怒歸蔡女而

不絕也蔡侯怒嫁其弟索隱曰弟女弟即蕩舟之姬齊桓

公怒伐蔡蔡潰遂虜繆侯南至楚邵陵已而

諸侯為蔡謝齊齊侯歸蔡侯二十九年繆侯

卒子莊侯甲午立莊侯三年齊桓公卒十四

年晉文公敗楚於城濮二十年楚太子商臣

弑其父成王代立二十五年秦穆公卒三十

三年楚莊王即位三十四年莊侯卒子文侯

申立文侯十四年楚莊王伐陳殺夏徵舒十

五年楚圍鄭鄭降楚楚復驛之正義曰二十

年文侯卒子景侯同立景侯元年楚莊王卒

二十九年景侯為太子般娶婦於楚而景侯

通焉太子弑景侯而自立是為靈侯靈侯二

年楚公子圍弑其王郟敖而自立為靈王正義

曰郟紀洽反九年陳司徒招弑其君哀公索隱

曰招或作苾又作昭並音時遙反楚使公子棄疾滅陳而有

之十二年楚靈王以靈侯弑其父誘蔡靈侯

于申正義曰故申城在鄧州伏甲飲之醉而殺之刑其

士率七十人令公子棄疾圍蔡十一月滅蔡

使棄疾為蔡公正義曰蔡之大夫也楚滅蔡三歲楚公

子棄疾弑其君靈王代立為平王平王乃求

蔡景侯少子廬立之是為平侯宋忠曰平侯從下蔡○索

隱曰今系本無者近脫耳是年楚亦復立陳楚平王初立

欲親諸侯故復立陳蔡後世本曰平侯者靈侯般之孫太子友

之平侯九年卒靈侯般之孫東國攻平侯子

而自立是為悼侯悼侯父曰隱太子友者靈侯之太子平侯立而殺隱太子故平侯卒而隱太子之子東國攻平侯子而代立是為悼侯悼侯三年卒弟昭侯甲立昭侯十年朝楚昭王持義裘二獻其一於昭王而自衣其一楚相子常欲之不與子常譏蔡侯留之楚三年蔡侯知之乃獻其裘於子常子常受之乃言歸蔡侯蔡侯歸而之晉請與晉伐楚十三

年春與衛靈公會郕陵蔡侯私於周襄弘以

求長於衛

服虔曰載書使蔡在衛上

衛使史鰌言康叔之

功德乃長衛夏為晉滅沈

杜預曰汝南平與縣有郕亭

楚

怒攻蔡蔡昭侯使其子為質於吳

正義曰以質音致

以

共伐楚冬與吳王闔閭遂破楚入郢蔡怨子

常子常恐奔鄭十四年吳去而楚昭王復國

十六年楚令尹為其民泣以謀蔡蔡昭侯懼

二十六年孔子如蔡楚昭王伐蔡蔡恐告急

於吳吳為蔡遠約遷以自近易以相救昭侯

私許不與大夫計吳人來救蔡因遷蔡于州

來索隱曰州來在淮南下蔡縣二十八年昭侯將朝于吳

大夫恐其復遷乃令賊利殺昭侯索隱曰利賊名也

已而誅賊利以解過而立昭侯子朔是為成

侯徐廣曰或作景成侯四年宋滅曹十年齊田常弑

其君簡公十三年楚滅陳十九年成侯卒子

聲侯立聲侯十五年卒子元侯立元侯六

年卒子侯齊立侯齊四年楚惠王滅蔡蔡侯

齊亡蔡遂絕祀後陳滅三十三年索隱曰魯哀十七年

楚滅陳其楚滅蔡絕其祀又在滅陳之後三十三即在春秋後二十三年伯邑

考其後不知所封武王殺其後為周有本紀

言管叔鮮作亂誅死無後周公旦其後為魯

有世家言蔡叔度其後為蔡有世家言曹叔

振鐸其後為曹有世家言索隱曰曹亦姬姓之國而文之昭春

秋之時頗稱疆國傳數十代而後亡豈可附管蔡亡國之末而沒其篇第自合析為一篇

成叔武其後世無所見霍叔處其後晉獻公時滅霍康叔封其後為衛有世家言冉季載其後世無所見

太史公曰管蔡作亂無足載者然周武王崩成王少天下既疑賴同母之弟成叔冉季之屬十人為輔拂是以諸侯率宗周故附之世家言

曹叔世家

索隱曰按上文叔振鐸其後為曹有系家言即曹亦合題系家今附

管蔡之末而不出題者蓋以曹小而少事迹因附管蔡之末不別題曹叔振鐸者周武王弟也

武王已克殷紂封叔振鐸於曹宋忠曰濟陽定陶縣叔

振鐸卒子太伯脾立太伯卒子仲君平立仲

君平卒子宮伯侯立宮伯侯卒子孝伯雲立

孝伯雲卒子夷伯喜立夷伯二十三年周厲

王奔于彘三十年卒弟幽伯彊立幽伯九年

弟蘇殺幽伯代立是為戴伯戴伯元年周宣

王已立三歲三十年戴伯卒子惠伯兕立孫

曰兕音徐子反曹惠伯或名維或名弟或復名弟兕也○索隱曰按年表作惠公伯維註

引孫檢未詳何代或云齊人亦恐其人不註史記所以王儉七志阮孝緒七錄並無不知

裴綱何惠伯二十五年周幽王為犬戎所殺

因東徙益卑諸侯畔之秦始列為諸侯三十

六年惠伯卒子石甫立其弟武殺之代立是

為繆公繆公三年卒子桓公終生立孫檢曰一作終

音生桓公三十五年魯隱公立四十五年魯

弑其君隱公四十六年宋華父督弑其君殤

公及孔父五十五年桓公卒子莊公夕姑立

索隱曰夕音亦即莊公二十三年齊桓公始

霸三十一年莊公卒子釐公夷立釐公九年

卒子昭公班立昭公六年齊桓公敗蔡遂至

楚召陵九年昭公卒子共公襄立共公十六

年初晉公子重耳其亡過曹曹君無禮欲觀

其駢脅韋昭曰駢者并幹也○正釐負羈正

曰釐音傳諫不聽私善於重耳二十一年晉

文公重耳伐曹虜其公以歸令軍母入釐負

羈之宗族間或說晉文公曰昔齊桓公會諸

侯復異姓今君囚曹君滅同姓何以令於諸

侯晉乃復歸其公二十五年晉文公卒三十

五年其公卒子文公壽立文公二十三年卒

子宣公彊立索隱曰左傳宣公名廬宣公十七年卒弟

成公負芻立成公三年晉厲公伐曹虜成公

以歸已復釋之索隱曰按左傳成十五年晉厲公執負芻歸于京師晉丘

宣公弟子臧子臧曰聖達節次守節下失節

為君非吾節也遂逃奔宋曹人請于晉晉人

謂子臧反國吾歸而君五年晉藥書中行偃

使程滑弑其君厲公二十三年成公卒子武

公勝立武公二十六年楚公子棄疾弑其君

靈王代立二十七年武公卒子平公頃立平

公四年卒子悼公午立是歲宋衛陳鄭皆火悼公八年宋景公立九年悼公朝於宋宋囚

之曹立其弟野是為聲公悼公死殺宋歸葬

於

聲公五年平公弟通弑聲公代立是為隱公

索隱曰譙周云春秋無其事今檢系本及春秋悼伯卒弟露立謚靖公實無聲公隱公蓋

是彼文隱公四年聲公弟露弑隱公代立是

為靖公靖公四年卒子伯陽立伯陽三年國

人有夢衆君子立于社宮賈逵曰社宮社也鄭衆曰社宮中有

室屋謀欲亡曹曹叔振鐸止之請待公孫彊

許之旦求之曹無此人夢者戒其子曰我亡

爾聞公孫彊為政必去曹無罹曹禍索隱曰離即罹

罹被也及伯陽即位好田弋之事六年曹野人

公孫彊亦好田弋獲白鴈而獻之且言田弋

之說因訪政事伯陽大說之有寵使為司城

以聽政夢者之子乃亡去公孫彊言霸說於

曹伯十四年曹伯從之乃背晉賈逵曰以小加

大○索隱曰干謂犯也言曹因棄晉而犯宋遂至滅也裴氏引賈逵註云以小加大者加

陵也小即曹宋景公伐之晉人不救十五年

宋滅曹執曹伯陽及公孫彊以歸而殺之曹遂絕其祀

太史公曰

索隱曰檢諸本或無此論

余尋曹共公之不用

僇負羈乃乘軒者三百人

正義曰晉世家云晉師入曹數之以

其不用僇負羈言而知唯德之不建及振鐸

之夢豈不欲引曹之祀者哉如公孫彊不脩

厥政叔鐸之祀忽諸

正義曰至如公孫彊不脩霸道之政而伯陽之

祀豈合忽絕之哉

索隱述贊曰

武王之弟

管蔡及霍

周公居相

流言是作

狼跋致艱

鷗鷃討惡

胡能改行

克復其爵

獻舞執楚

遇息禮薄

穆侯虐齊

蕩舟乘詭

曹共輕晉

負羈先覺

伯陽夢社

祚傾振鐸

管蔡世家第五

史記三十五

陳杞世家第六

史記三十六

陳胡公滿者，虞帝舜之後也。昔舜為庶人時，

堯妻之二女，居于嬀汭，其後因為氏姓，姓嬀

氏。舜已崩，傳禹天下，而舜子商均為封國。索隱

曰：按商均所封虞，即今之梁國，虞城是也。夏后之時，或失或續。索隱

曰：按夏代猶封虞思虞遂是也。至于周武王克殷紂，乃復求

舜後。索隱曰：按左傳，虞遏父為周陶正，以服事武王。杜注：遏父，舜之後。陶正，官名。是

生滿。得嬀滿，封之於陳。索隱曰：左傳曰：武王以元女太姬配虞胡

公而封之陳，以備三恪。以奉帝舜，祀是為胡公。胡公卒

子申公犀侯立。申公卒，弟相公皐羊立。相公

卒，立申公子突，是為孝公。孝公卒，子慎公圉

戎立。慎公當周厲王時。慎公卒，子幽公寧立。

幽公十二年，周厲王奔于彘。二十三年，幽公

卒。子釐公孝立。釐公六年，周宣王即位。三十

六年，釐公卒。子武公靈立。武公十五年，卒。子

夷公說立。是歲，周幽王即位。夷公三年，卒。弟

平公燹立正義曰燹先牒反平公七年周幽王為犬

戎所殺周東徙秦始列為諸侯二十三年平

公卒子文公圉立文公元年取蔡女生子佗

正義曰十年文公卒長子桓公鮑立桓公二

十三年魯隱公初立二十六年衛殺其君州

吁三十三年魯弑其君隱公三十八年正月

甲戌巳丑陳桓公鮑卒索隱曰陳亂故再赴其日○正義曰甲戌

巳丑凡桓公弟佗其母蔡女故蔡人為佗殺

五父及桓公太子免而立佗譙周曰春秋傳謂佗即五父世

家與傳違○索隱曰譙周云世家與春秋傳違者按左傳桓公五年文公子佗殺桓公太

子免而代立經六年蔡人殺陳佗立桓公子躍為厲公而左傳以厲公名躍佗立未踰年

故無謚又莊二十二年傳云陳厲公蔡出也故蔡人殺五父而立之則佗與五父俱為蔡

人所殺其事不異是一人明矣史記既以佗為厲公遂以躍為利公尋厲利聲相近遂誤

以佗為厲公五父為別人是太史公錯是為耳而班固又以厲公為桓公弟又誤也是為

厲公桓公病而亂作國人分散故再赴徐廣曰班

氏云厲公躍厲公二年生子敬仲完周太史

過陳陳厲公使以周易筮之卦得觀之否賈逵

日坤下巽上觀坤下乾上否觀爻在六四變而之否是為觀國之光利

用賓于王杜預曰此周易觀卦六四爻辭也

體聖人隨其義而論之此其代陳有國乎不在此其在此

異國正義曰六四變內卦為異國求此其身在其子

孫正義曰內卦為身外卦為子孫若在異國必姜

姓正義曰六四變此爻是辛未觀上體巽未

為羊巽為女女乘羊故為姜姜齊姓故知在姜姓太獄之後杜預曰姜姓之物莫能兩

大陳衰此其昌乎正義曰周敬王四十一年

周敬王三十九年厲公取蔡女蔡女與蔡人亂

厲公數如蔡淫七年厲公眇殺桓公太子免

之三弟長曰躍中曰林少曰杵臼共公蔡人

誘厲公以好女與蔡人共殺厲公公羊傳曰淫于蔡蔡

人殺而立躍是為利公利公者桓公子也利

公立五月卒立中弟林是為莊公莊公七年

卒少弟杵臼立是為宣公宣公三年楚武王

卒楚始疆十七年周惠王娶陳女為后二十
一年宣公後有嬖姬生子款欲立之乃殺其
太子禦寇禦寇素愛厲公子完完懼禍及已
乃奔齊齊桓公欲使陳完為卿完曰羈旅之
臣賈逵曰羈寄旅客之幸得免負擔君之惠也不敢當
高位桓公使為工正正義曰周禮云冬官為考工主作器械齊
懿仲欲妻陳敬仲卜之占曰是謂鳳皇于飛
和鳴鏘鏘杜預曰雄曰鳳雌曰皇雄雌俱飛相和而鳴鏘鏘然也猶敬仲夫妻

有聲

有媯之後將育于姜

正義曰媯陳姓姜齊姓

五世

其昌並于正卿

服虔曰言完後五世與卿並列

八世之後莫

之與京

賈逵曰京大也○正義曰杜預云敬常為八代者以桓子無字生武子開與

釐子乞皆相繼事齊故以常為八代

三十

七年齊桓公伐蔡蔡敗南侵楚至召陵還過
陳陳大夫轅濤塗惡其過陳詐齊令出東道
東道惡桓公怒執陳轅濤塗是歲晉獻公殺
其太子申生四十五年宣公卒子款立是為

穆公穆公五年齊桓公卒十六年晉文公敗
楚師于城濮是歲穆公卒子共公朔立共公
六年楚太子商臣弑其父成王代立是為穆
王十一年秦穆公卒十八年共公卒子靈公
平國立靈公正義曰謚法云亂而不損曰靈元年楚莊王即
位六年楚伐陳十年陳及楚平十四年靈公
與其大夫孔寧儀行父皆通於夏姬正義曰列女傳云陳女夏姬者陳大夫夏徵舒之母御叔之妻也三為王后七為夫人公侯爭之莫不迷

感失意杜預云夏姬鄭穆公女陳大夫御叔之妻左傳云殺御叔殺靈侯戮夏南出孔儀喪陳衷其衣以戲於朝左傳曰衷其袒服殺中其褌泄冶諫曰君臣淫亂民何效焉靈公以告二子二子請殺泄冶公弗禁遂殺泄冶春秋
日陳殺其大夫泄冶十五年靈公與二子飲於夏氏公戲二子曰徵舒似汝二子曰亦似公杜預曰靈公即位十五年徵舒已為卿年大無嫌是公子也蓋以夏姬淫放故謂其子多似以為戲徵舒怒靈公罷酒出徵舒伏弩廐門射殺靈公

左傳曰公孔寧儀行父皆奔楚靈公太子午
出自其廐孔寧儀行父皆奔楚靈公太子午
奔晉徵舒自立為陳侯徵舒故陳大夫也夏
姬御叔之妻舒之母也成公元年冬楚莊王
為夏徵舒殺靈公率諸侯伐陳謂陳曰無驕
吾誅徵舒而已已誅徵舒因縣陳而有之群
臣畢賀申叔時使於齊來還獨不賀賈逵曰
叔時楚大莊王問其故對曰鄙語有之牽牛徑入田
田主奪之牛徑則有罪矣奪之牛不亦甚乎

今王以徵舒為賊弑君故徵其諸侯以義伐
之已而取之以利其地則後何以令於天下
是以不賀莊王曰善乃迎陳靈公太子午於
晉而立之復君陳如故是為成公孔子讀史
記至楚復陳曰賢哉楚莊王輕千乘之國而
重一言索隱曰謂申叔時之語○正義曰家
語云孔子讀史記至楚復陳喟然曰
賢哉楚莊王輕千乘之國而重一言之信非
申叔之忠弗能建其義非楚莊王之賢不能
受其訓也二十八年楚莊王卒二十九年陳倍楚

盟三十年楚共王伐陳是歲成公卒子哀公
弱立楚以陳喪罷兵去哀公三年楚圍陳復
釋之二十八年楚公子圍弑其君郕敖自立
為靈王三十四年初哀公娶鄭長姬生悼太
子師少姬生偃索隱曰昭八年經云陳侯之弟招殺陳世子偃師左傳曰陳哀公元妃鄭姬生悼太子偃師今此云兩姬又分偃師為二人亦恐此非二嬖
妾長妾生留少妾生勝留有寵哀公哀公屬
之其弟司徒招哀公病三月招殺悼太子立

留為太子哀公怒欲誅招招殺兵圍守哀公
哀公自經殺徐廣曰三十五年時招卒立留為陳君四

月陳使使赴楚楚靈王聞陳亂乃殺陳使者

索隱曰即司徒招又一名茗

使公子棄疾弑兵伐陳陳君

留奔鄭九月楚圍陳十一月滅陳使棄疾為

陳公招之殺悼太子也太子之子名吳出奔

晉晉平公問太史趙曰陳遂亡乎對曰陳顯

頊之族

服虔曰陳祖虞舜出顯頊故為顯頊之族

陳氏得政於

齊乃卒亡

賈逵曰物莫能兩盛

自篡至于瞽瞍無違命

賈逵曰篡後虞思也至于瞽瞍無聞違天命以發絕者鄭衆曰篡舜之先也

賈義為長○索隱曰賈逵以篡為虞思非也傳言自篡而至瞽瞍知篡在瞽瞍之前非虞

思明舜重之以明德至於遂杜預曰遂舜後

之後而封遂言舜德乃至於遂○索隱曰重音持用反杜預以謂舜有明德乃至遂有國

義亦然也且文云自篡至瞽瞍無違命舜重之以明德是言舜有明德為天子也乃云殷

封遂代守之亦舜德也宋忠云虞思之後其伯直柄中衰殷湯封遂於陳以為舜後是也

世世守之及胡公周賜之姓

杜預曰胡公滿

武王賜姓曰使祀虞帝且盛德之後必百世

婦封之陳祀虞之世未也其在齊乎楚靈王滅陳五歲

楚公子棄疾弑靈王代立是為平王平王初

立欲得和諸侯乃求故陳悼太子師之子吳

立為陳侯是為惠公惠公立探續哀公卒時

年而為元空籍五歲矣

索隱曰惠公探取哀公死楚陳滅之後為

元年故今空經年籍五歲矣一云七年陳火

籍借也為借失國之後年為五年十五年吳王僚使公子光伐陳取胡沈而去

索隱曰系本云胡歸姓沈姬姓沈國在汝南平輿胡亦在汝南二十八年吳

王闔閭與子胥敗楚入郢是年惠公卒子懷公柳立懷公元年吳破楚在郢召陳侯陳侯欲往大夫曰吳新得意楚王雖亡與陳有故不可倍懷公乃以疾謝吳四年吳復召懷公懷公恐如吳吳怒其前不往留之因率吳陳乃立懷公之子越是為湣公索隱曰按左傳湣公名周是史官記不湣公六年孔子過陳其王夫差伐陳同也

取三邑而去十三年吳復來伐陳陳告急楚楚昭王來救軍於城父吳師去是年楚昭王卒於城父時孔子在陳索隱曰按孔子以魯定公十四年適陳當

湣公之六年上文說是此十三年孔子乃在陳凡經八年何其久也十五年宋

滅曹十六年吳王夫差伐齊敗之艾陵使入召陳侯陳侯恐如吳楚伐陳二十一年齊田常弑其君簡公二十三年楚之白公勝殺令尹子西子綦襲惠王葉公攻敗白公白公自

殺二十四年楚惠王復國以兵北伐殺陳湣

公遂滅陳而有之是歲孔子卒

杞東樓公者夏后禹之後苗裔也

索隱曰杞國名也東

樓公謚號也不名者並史先失耳宋忠曰杞今陳留雍丘縣故地理志云雍丘縣故杞國

周武王封禹後為東樓公是也蓋周封杞而居雍丘至春秋時杞已遷東國故左氏隱四

年傳云昔人伐杞取牟婁牟婁者東邑也僖十四年傳云杞遷緣陵地理志北海有營陵

淳于公之縣臣瓚云即春秋緣陵淳于公所都之邑又州國名杞後改國號曰州而稱淳

于公故春秋桓五年經云州公如曹傳曰淳于公如曹是也然杞後代又稱子者以微小

又僻居東夷故襄二十九年經 杞時或封或

絕周武王克殷紂求禹之後得東樓公封之

於杞

宋忠曰杞今陳留雍丘縣

以奉夏后氏杞東樓公生

西樓公西樓公生題公題公生謀娶公

徐廣曰謀

一作謨索隱 謀娶公當周厲王時謀娶公生

武公武公立四十七年卒子靖公立靖公二

十三年卒子共公立共公八年卒子德公立

徐廣曰世本曰惠公○索隱曰系本譙周並作惠公又云惠公生成公及桓公是此系家

脫成公一代下云弟桓公姑容立非也且成
公又見春秋經傳故左氏莊二十五年云相
成公娶魯女有婚姻之好至僖二十二年卒
始赴而書左傳云成公也未同盟故不書名
是相有成公必當德公十八年卒弟桓公姑
容立徐廣曰世本曰惠公立十八年生成公及桓公成公立十八年桓公立十七年
桓公十七年卒子孝公匄立索隱曰孝公十
七年卒弟文公益姑立文公十四年卒弟平
公欽立○索隱曰一作郁釐○譙周云名欽來蓋欽郁釐來聲相近遂不同也
平公十八年卒子悼公成立悼公十二年卒

子隱公乞立七月隱公弟遂弑隱公自立是
為釐公釐公十九年卒子湣公維立湣公十
五年楚惠王滅陳十六年湣公弟閔路弑湣
公代立是為哀公索隱曰閔音過哀公殺兄湣公而立謚哀譙周云謚
也哀公立十年卒湣公子軟立徐廣曰軟一作邀是
為出公出公十二年卒子簡公春立立一年
楚惠王之四十四年滅杞杞後陳亡三十四
年紀小微其事不足稱述舜之後周武王封

之陳至楚惠王滅之有世家言禹之後周武
王封之杞楚惠王滅之有世家言契之後為
殷殷有本紀言殷破周封其後於宋齊湣王
滅之有世家言后稷之後為周秦昭王滅之
有本紀言皋陶之後或封英六索隱曰本或
然蓼六皆咎繇之後據系本二國皆偃姓故
春秋文五年傳云楚人滅六臧文仲聞六與
蓼滅曰皋陶庭堅不祀忽諸杜預云蓼與六
皆咎繇後地理志云六安故國皋陶後偃姓
為楚所滅又傳十七年齊人伐英氏杜
預曰英六皆皋陶後國名是有英蓼英六實

未能詳或者楚穆王滅之無譜伯夷之後至
周武王復封於齊曰太公望陳氏滅之有世
家言伯翳之後至周平王時封為秦項羽滅
之有本紀言索隱曰秦祖伯翳解者以翳益
而又有別言垂益則是二人也且按舜本紀敘
十人無翳而有彭祖彭祖亦墳典不載未知
太史公意如何恐多是誤然據秦本紀敘翳
之功云佐舜馴調鳥獸與舜典命益作虞若
予上下草木鳥獸文同則為垂益變龍其後
一人必矣今未詳其所以
不知所封不見也右十一人者皆唐虞之際

名有功德臣也其五人之後皆至帝王

索隱曰舜

禹身為帝王其後契及餘乃為顯諸侯滕薛

駟夏殷周之間封也小不足齒列弗論也

索隱

曰滕不知本封蓋軒轅氏之子有滕姓是其

祖也後周封文王子錯亦繡於滕故宋忠云

今沛國公丘是滕國也薛奚仲之後任姓蓋

夏殷所封故春秋有滕侯薛侯邾曹姓之國

陸終氏之子會人之後邾國今魯國驕縣是

也然三國微小春秋時亦預會盟蓋史缺無

可叔列也又許文叔太岳之胤二邾曹姓之

君並通好諸侯同盟大國不宜全沒其事亦

可叙其本末周武王時侯伯尚千餘人及幽

補許邦世家

厲之後諸侯力攻相并江黃胡沈之屬不可

勝數索隱曰系本江黃二國並嬴姓故弗采

著于傳上

太史公曰舜之德可謂至矣禪位於夏而後

世血食者歷三代及楚滅陳而田常得政於

齊卒為建國百世不絕苗裔茲茲有王者不

乏焉至禹於周則祀微甚不足數也楚惠王

滅杞其後越王勾踐興

索隱述贊曰

盛德之祀必及百世舜禹

陳杞是繼世嫡滿受封東樓纂世不

世血關路篡逆外夏姬淫嬖而二國衰微

或淪或替前并後虜皆亡楚惠

勾踐勃興田和吞噬蟬聯血食

豈其苗裔

陳杞世家第六
史記三十六

